



## УЛСЫН ОНЦГОЙ КОМИССЫН АЛБАН ДААЛГАВАР

2020 оны 08 сарын 07 өдөр

Дугаар 02

Улаанбаатар хот

### Хичээл, сургалтын үйл ажиллагааг эхлүүлэх зарим арга хэмжээний тухай

Засгийн газрын 2020 оны “Боловсролын салбарт хэрэгжүүлэх арга хэмжээний тухай” 32 дүгээр тогтоолыг хэрэгжүүлэх, бүх шатны сургалтын байгууллагын хичээл, сургалтын үйл ажиллагааг эхлүүлэх бэлтгэлийг хангах зорилгоор дараах арга хэмжээ авч хэрэгжүүлэх зорилгоор ДААЛГАХ НЬ:

Нэг. Аймаг, нийслэлийн Засаг дарга нарт:

1.1. Бүх шатны боловсролын сургалтын байгууллагын 2020-2021 оны хичээлийн жилийн хичээл, сургалтын үйл ажиллагааг үе шаттай эхлүүлэхтэй холбогдуулан санхүү төсөв, дэд бүтэц, хүний нөөцийн бэлэн байдлыг хангаж, тогтоосон хугацаанд өмчийн бүх хэлбэрийн сургалтын байгууллагын үйл ажиллагааг эхлүүлэх арга хэмжээ авах;

1.2. Сургалтын үйл ажиллагаа эхлэхээс 14 хоногийн өмнө цэцэрлэг, сургуулийн барилга байгууламжид халдвартгүйжүүлэлтийг мэргэжлийн байгууллагаар хийлгэх, түүнд шаардагдах зардлыг орон нутгийн төсвөөс шийдвэрлэх;

1.3. Эрүүл мэндийн сайдын 2017 оны 145 дугаар тушаалаар баталсан “Худалдаа, үйлчилгээний байгууллагын ажилтныг эрүүл мэндийн урьдчилан сэргийлэх үзлэг, шинжилгээнд хамруулах журам”-ын дагуу эрүүл мэндийн урьдчилан сэргийлэх үзлэгийг хүний бөөгнөрөл үүсгэхгүйгээр зохион байгуулж, багш, ажилтныг бүрэн хамруулах;

1.4. Коронавируст халдварт (КОВИД 19)-т цар тахлын аюулын бэлэн байдлын нөөцийг нэмэгдүүлэх, цэцэрлэг, сургуульд гар угаах нөхцөлийг бүрдүүлэх, /халуун, хүйтэн ус, гар угаах угаалтуурын тоог нэмэх, шингэн саван, гар арчих салфетка, агаар цэвэршүүлэгч/, цэвэрлэгээний бодисын нөөцийг хангах /ахуйн хэрэглээний цэвэрлэх бодис, цэвэрлэгээний болон гар халдвартгүйжүүлэх бодис/, ариун цэврийн байгууламжийн хүртээмж, аюулгүй байдал, эрүүл ахуйг сайжруулах /суултуур, энгийн бие засах газар/ талаар бэлэн байдлыг хангаж, нөхөн хангалтыг гэрээ хэлцлийн үндсэн дээр зохицуулах;

1.5. Хүүхдэд шаардлагатай амин дэм бүхий дархлаа дэмжих хоол, хүнсээр хангах, түүхий эд, хүнсний бүтээгдэхүүний тээвэрлэлт, хадгалалт, чанар, үнэ өртөгт тавих хяналтыг сайжруулж, хоол хүнсээр дамжих өвчинөөс урьдчилан сэргийлэх, аюулгүй байдлыг хангах нэгдсэн зохицуулалт хийх;

1.6. Сургууль, хүүхдийн байгууллагын үйл ажиллагаа эхлэхээс өмнө холбогдох мэргэжлийн байгууллагаар үндны усанд хими, нян судлалын

шинжилгээ хийлгүүлж дүгнэлт гаргуулах, төвлөрсөн бус ус хангамжтай /өөрийн эх үүсвэр/ нөхцөлд эрүүл ахуйн хамгаалалтын бус тогтоож хашаажуулах, эрүүл ахуйн хамгаалалтын бус дотор бохирдуулагч эх үүсвэргүй байлгах;

1.7. Сургууль, хүүхдийн байгууллагын энгийн бие засах газар, бохир ус цэвэрлэх байгууламжийг эрүүл ахуй, стандартын шаардлага хангудлах, байнгын халдвартайжүүлэлт хийж хэвшүүлэх;

1.8. Орчны аюулгүй байдлыг бүрэн хангахтай холбогдуулан бүх шатны боловсролын сургалтын байгууллагын камержуулалт, замын гэрэлтүүлэг, авто замын тэмдэг, тэмдэглэгээг стандартын дагуу чанартай хийх, сэргээн засварлах, шаардлагатай тохиолдолд хурд сааруулагч, явган хүний гарц, гэрлэн дохиог шинээр байрлуулах арга хэмжээ авч хэрэгжүүлэх;

1.9. Хичээл сургалтын үйл ажиллагааг эхлүүлэхтэй холбогдуулан халдварт өвчинөөс урьдчилан сэргийлэх эрүүл ахуйн зан үйл, гарын ариун цэвэр сахих, амны хаалт хэрэглэх, зөв ханиаж найтаах, халуун хэмжих, гэрийн дэглэм сахих, дархлаа дэмжих зэрэг сурталчилгаа, нөлөөллийн үйл ажиллагааг орон нутгийн хэвлэл, мэдээллийн хэрэгслээр иргэд, олон нийтэд хүргэх арга хэмжээг мэргэжлийн байгууллагаар хийлгэх.

Хоёр. Аймаг, нийслэлийн Онцгой комиссын нарийн бичгийн даргад:

2.1. Боловсролын байгууллага, цэцэрлэг, сургуулийн гамшгаас хамгаалах төлөвлөгөөнд тодотгол хийх, коронавируст халдвар (КОВИД 19)-ын цар тахлын үеийн хариу арга хэмжээний салбар төлөвлөгөө боловсруулж, аймаг, нийслэлийн Онцгой байдлын газар, хэлтсээр хянуулан, хэрэгжилтийг хангаж ажиллах;

2.2. Өндөржүүлсэн бэлэн байдлын дэглэмийг мөрдөж ажиллах дадлага сургууль зохион байгуулж, сум, дүүргийн цэцэрлэг, сургуульд чиглэл, зөвлөмж өгөх;

2.3. Цэцэрлэг, сургууль орчмын бусэд орон нутгийн холбогдох мэргэжлийн байгууллагуудын хамтарсан ажлын хэсгээр эрсдэлийн үнэлгээ хийлгэж, хичээлийн жил эхлэхээс өмнө аюулгүй байдлыг бүрэн хангудлах арга хэмжээ авах;

2.4. Эцэг эх, асран хамгаалагч, иргэд, олон нийтэд халдварт өвчинөөс урьдчилан сэргийлэх, хариу арга хэмжээ, өндөржүүлсэн бэлэн байдлын үеийн дэглэмийг чанд мөрдүүлэх, энэ чиглэлээр явуулж буй сургалт, сурталчилгаа нөлөөллийн ажлын үр дүнг сайжруулж хяналт тавих;

2.5. Аюулт үзэгдэл, ослын улмаас хэвийн үйл ажиллагаа алдагдсан сургалтын байгууллагын барилга байгууламжийн нөхцөл байдлыг аймаг, нийслэл, сум, дүүргийн Онцгой комиссын хурлаар хэлэлцэж, үүссэн хохирлыг арилгах шуурхай арга хэмжээ авч ажиллах.

Энэхүү албан даалгаврын биелэлтэд хяналт тавьж, мэдээ тайланг Улсын Онцгой комиссын Ажлын албанад 2020 оны 8 дугаар сарын 14, 31-ний өдрүүдэд ирүүлэхийг үүрэг болгож байна.

ДАРГА,  
ШАДАР САЙД

Я.СОДБААТАР  
УХААНЫ  
СОДБААТАР

УХААНЫ  
СОДБААТАР